



Co-funded by
the European Union

Austrian
Development
Agency



International
Partnerships
Austria



«Դիմակայուն Սյունիք թիմ Եվրոպա նախաձեռնություն»

R2D Սյունիք՝ Սյունիքի վերականգնման, դիմակայունության և զարգացման ծրագիր
NDIC-GEO-NEAR/2022/440-450

Բաղադրիչ 1

Սյունիքի մարզում մասնավոր հատվածի զարգացում

R2D Սյունիք ծրագիր / Արդյունք 1

ՀԱՅՏԱԴԻՄՈՒՄՆԵՐԻ ԸՆԴՈՒՆՈՒՄ

Փոքր և միջին ձեռնարկությունների զարգացմանն աջակցող կազմակերպություններ

Երևան, ՀՀ
2026

1. Ներածություն



Սույն փաստաթուղթը տեղեկատվական ուղեցույց է այն կազմակերպությունների համար, որոնք հետաքրքրված են մասնակցելու Սյունիքի մարզում գործող մասնավոր հատվածի աջակցության ծրագրին՝ ներկայացնելով հայտադիմում փոքր և միջին ձեռնարկություններին աջակցելու համար: Այն մշակվել է Գործողության նկարագրությանը (ԳՆ, 2023) համահունչ, ինչպես նաև համաձայնեցվել է ԱԶԳ-ի և ԵՄ-ի կողմից, և ներկայացված է Շուկայի համակարգի վերլուծության [գեկույցում](#) (2023–2024)

R2D Սյունիք ծրագիրը, որը ֆինանսավորվում է ԵՄ-ի և համաֆինանսավորվում Ավստրիական զարգացման համագործակցության (ԱԶԳ) կողմից, և իրականացվում է Ավստրիական զարգացման գործակալության (ԱԶԳ) կողմից, մեկնարկել է 2023-ի սկզբին: Ծրագիրն իրականացվում է ԱԶԳ-ի կողմից՝ որպես Դիմակայուն Սյունիք թիմ Եվրոպա Նախաձեռնության մաս, համաձայնեցված Արևելյան գործընկերության 2021-2027թթ. շրջանակային ռազմավարության և ԵՄ պատվիրակության 2021թ. տարեկան գործողությունների ծրագրի հետ: «Վերականգնում, դիմակայունություն և զարգացում Սյունիքի համար» անվամբ ծրագրի (R2D Սյունիք) ընդհանուր տևողությունը 60 ամիս է:

R2D Սյունիք ծրագրի ընդհանուր նպատակը Սյունիքում միկրո, փոքր և միջին ձեռնարկությունների (ՄՓՄԶ) և կայուն փոքրածավալ համայնքային ենթակառուցվածքների վերականգնման և ճկունության բարձրացումն է:

Արդյունք 1-ը ունի հետևյալ կենտրոնացումը.

I. Բարելավել ՄՓՄԶ-ների և սկսնակ ձեռնարկությունների (ստարտափ) հասանելիությունը գիտելիքներին, տեխնոլոգիաներին, ծառայություններին, շուկաներին և ֆինանսներին.

Ծրագիրը տրամադրում ֆինանսական և ոչ ֆինանսական աջակցություն գործող բիզնեսներին և նորաստեղծ ձեռնարկություններին: Նաեւ խրախուսում այնպիսի բիզնես ծառայությունների տրամադրումը, որոնք ապահովում են տեղում գործող կազմակերպությունների և գործընկերների կողմից ծրագրի ընթացքում:

II. Մարդկային կապիտալի զարգացում.

Ծրագիրը նպատակն է աջակցել բիզնեսներին, ձեռնարկատերերին և աշխատողներին կարողությունների զարգացման միջոցառումների և գործընկերային աջակցության միջոցով: Հատուկ ուշադրություն է դարձվում կանանց, երիտասարդների և սոցիալապես խոցելի խմբերի կարիքներին՝ նրանց ակտիվ մասնակցությունը բիզնես միջավայրում ապահովելու համար: R2D Սյունիք ծրագիրը աշխատում այն ոլորտներում և շուկաներում, որոնք ընտրվել են 2023թ. դեկտեմբերից մինչև 2024թ. փետրվար անցկացված գնահատման արդյունքներով:¹

¹ Inclusive Market System Analysis of the Private Business Sector in Syunik, Armenia including Environmental, Gender, and Social Impact Assessment (EGSIA) and Capacity Development Needs Assessment”, 2024



2. Փոքր և միջին ձեռնարկությունների զարգացմանն աջակցող կազմակերպությունների համար հայտադիմումների ընդունման հրավերի նպատակը

Այս հայտարարության նպատակն է աջակցել այն կազմակերպություններին, որոնք Սյունիքի մարզում նպաստում են գյուղատնտեսության (բացի առաջնային արտադրությունից), արդյունաբերության և զբոսաշրջության ոլորտներում գործող ՓՄՁ-ների զարգացմանը: Ծրագիրը կօգնի ուժեղացնել այս կազմակերպությունների կարողությունները, հասանելի դարձնել անհրաժեշտ ծառայությունները մասնավոր հատվածի համար, և միաժամանակ նպաստել տարածաշրջանի տնտեսական առաջընթացին, կյանքի որակի բարելավմանը և խոցելի խմբերի ընդգրկմանը՝ պահպանելով գենդերային հավասարության սկզբունքը:

Հայտադիմումների ընդունման այս գործընթացի և աջակցող կազմակերպությունների հետ համագործակցության միջոցով R2D Սյունիք ծրագիրը ձգտում է հասնել իր սահմանված նպատակներին և արդյունքներին, ինչպես նշված է ծրագրի շրջանակային փաստաթղթում:

3. Դիմորդ կազմակերպություններ

Սույն հրավերին կարող են դիմել այն կազմակերպությունները, որոնք Սյունիքի մարզում **կառաջարկեն նոր ծառայություններ հետևյալ ոլորտում գործող փոքր և միջին ձեռնարկությունների համար՝**

- *Գյուղատնտեսություն (բացառությամբ առաջնայինից)*
- *Արդյունաբերություն*
- *Զբոսաշրջություն և հյուրընկալություն*

Թիրախային խումբ՝ ՓՄՁ-ներին աջակցող կազմակերպություններ, ոլորտային միություններ ու ասոցիացիաներ, նորարարական և հետազոտական կենտրոններ, ինչպես նաև լիցենզավորված մասնագիտական ուսումնական հաստատություններ (արհեստագործական և միջին մասնագիտական) և հասարակական կազմակերպություններ:

4. Առաջնահերթություններ

Դիմորդների կողմից ներկայացված հայտադիմումում պետք է արտացոլվեն հետևյալ նպատակներից, սկզբունքներից և առաջնահերթություններից առնվազ մեկը.

- Հայտադիմումը համահունչ է R2D Սյունիք ծրագրի նպատակներին և աջակցում է նշված ոլորտներից որևէ մեկին՝ գյուղատնտեսություն /գյուղմթերքի վերամշակում (բացառությամբ առաջնային գյուղատնտեսությունը), արտադրություն (բացառությամբ վնասակար գործունեություն), զբոսաշրջություն և հյուրընկալություն:
- Հայտադիմումն առաջարկում է արդյունավետ և մատչելի ծառայություններ միկրո, փոքր, միջին ձեռնարկություններին Սյունիքի մարզում:



- Հայտադիմումը ներկայացնում է նոր կամ արդիականացված, գիտելիքներ և տեխնոլոգիաներ, որոնք համապատասխանում են Սյունիքի մասնավոր հատվածի ներկայիս պահանջներին:
- Հայտադիմումն առաջարկում է նախաձեռնություններ, որոնք կարող են ընդլայնվել կամ կրկնօրինակվել այլ համայնքներում:
- Դիմորդը ներկայացնում է, թե ինչպես իր նախաձեռնությունները կաջակցեն մարզի տնտեսական աճին և կապահովեն շարունակականություն:
- Հայտադիմումը ներառում է նորարար գաղափարներ, որոնք լուծում են արդի մարտահրավերներ և ադապտացվում փոփոխվող շուկայի պայմաններին:

5. Համապատասխանության չափանիշներ

Դիմորդները պետք է բավարարեն հետևյալ նվազագույն պահանջները՝

- Պետք է լինի 33 -ում գրանցված իրաքանական անձ (օրինակ՝ 34, հիմնադրամ, Ա/Զ, ՍՊԸ, ՓԲԸ, ՀԿ, որոնք տրամադրում են ձեռներեցության աջակցման ծառայություններ, խորհրդատվություն, դասընթացներ, ուսումնասիրություններ, մասնագիտական կրթություն):
- Պետք է ունենան առնվազն 3 (երեք) տարվա գործունեության փորձ նշված երեք որոլտներից որևէ մեկում:
- Պետք է տրամադրեն տեղեկատվություն իրենց նախորդ ծրագրերի վերաբերյալ, որոնք կապված են նշված նախաձեռնության հետ, օրինակ՝ նմանատիպ նախագծեր, համագործակցություններ կամ ծառայություններ:
- Պետք է ներկայացնեն հստակ ծրագիր Սյունիքի մարզում գործունեություն ընդլայնելու համար: Սա ներառում է ռազմավարական տեսլական և գործողությունների պլան՝ Սյունիքում ծրագրի շարունակականության վերաբերյալ:
- Պետք է ունենան դասընթացների համար նախատեսված համապատասխան տարածք Սյունիքում, առնվազն 3 և ավել տարիների համար երկարաժամկետ վարձակալության կամ սեփականության իրավունքով:
- Պետք է ունենան որակավորված անձնակազմ՝ համապատասխան փորձով առաջարկվող նախագծի իրականացման համար:

Ծրագիրն իրեն իրավունք է վերապահում անհրաժեշտության դեպքում լրացուցիչ տեղեկություններ պահանջել հարկային ծառայություններից և այլ համապատասխան մարմիններից:

6. Ընդհանուր պահանջներ և չափորոշիչներ

Ո՞վ կարող է դիմել

- **Բիզնեսի աջակցման կազմակերպություններ**՝ կազմակերպություններ և ընկերություններ, որոնք մատուցում են վերապատրաստման և բիզնես խորհրդատվական ծառայություններ,
- **Մասնագիտական կրթական հաստատություններ (ՄԿՈԻ)**՝ պետական և մասնավոր արհեստագործական և մասնագիտական ուսումնական հաստատություններ,



- **Ոլորտային ասոցիացիաներ և միություններ`** կազմակերպություններ, որոնք ներկայացնում են տարբեր ոլորտներ և իրականացնում են այդ ոլորտների զարգացմանն ուղղված գործունեություն,
- **Հետազոտական և նորարարական կենտրոններ,**
- **Ոչ առևտրային կազմակերպություններ (ՀԿ)`** կազմակերպություններ, որոնք իրականացնում են տնտեսական աջակցման ծրագրեր ուղղված խոցելի և հատուկ խմբերի (օրինակ` կանանց, երիտասարդների, տեղահանվածների) կարողությունների և հմտությունների բարձրացմանը,
- **Պետության կողմից արտոնագրված/լիցենզավորած ուսումնական հաստատություններ:**

7. Դիմելու գործընթացի քայլերի հաջորդականություն

Հայտադիմումների հավաքագրման և գնահատման գործընթացը կազմակերպվում է թափանցիկ և անաչառ սկզբունքներով: R2D Սյունիք ծրագիրը կիրականացնի մեկփուլային գնահատման գործընթաց, որի ընթացքում յուրաքանչյուր դիմորդ իրավունք ունի ներկայացնել միայն մեկ հայտ: **Հայտադիմումը պետք է լրացվի, տպվի, ստորագրվի բոլոր անհրաժեշտ փաստաթղթերի և հավելվածների հետ միասին PDF ֆորմատով ուղարկվի նշված էլեկտրոնային փոստի հասցեին:** Նաև տպագիր տարբերակը պետք է ներկայացվի R2D Սյունիք ծրագրի գրասենյակներից որևէ մեկը Սյունիքում կամ Երևանում:

Մրցույթի գործընթացի հիմնական փուլերը`

1. **Հայտարարություն`** հայտադիմումների ընդունման հրավերը կիրառարակվի և կտարածվի տարբեր հարթակներով (R2D Սյունիք ծրագրի կայք, տեղական ինքնակառավարման մարմինների կայք, սոցիալական մեդիա հարթակներ)` առավել լայն լսարանի հասանելի լինելու համար:
2. **Տեղեկատվական հանդիպում`** R2D Սյունիք ծրագրի թմի կողմից կկազմակերպվի առցանց հանդիպում-քննարկումներ, որոնց ընթացքում կքննարկվեն գործընթացի հետ կապված հարցեր: Առցանց հանդիպումների տեսաձայնագրությունները, այլ համապատասխան նյութերի հետ միասին, հասանելի կլինեն R2D Սյունիք ծրագրի կայքում:
3. **Հայտադիմումների ներկայացում`** դիմորդից պահանջվում է ներկայացնել համապարփակ հայտադիմում` ըստ հաստատված ձևի: Դիմումի փաթեթը պետք է ներառի բոլոր անհրաժեշտ փաստաթղթերը և ուղարկվի R2D Սյունիք ծրագրի Էլ. փոստի հասցեին:
4. **Հայտադիմումների համապատասխանության ստուգում`** հայտադիմումները ստանալուց հետո R2D Սյունիք ծրագրի թիմը կանցկացնի **համապատասխանության ստուգում`** համոզվելու համար, որ բոլոր պահանջվող փաստաթղթերը և հավելվածները ներառված են, և որ հայտադիմումները համապատասխանում են հիմնական չափանիշներին: Ցանկացած թերի կամ չհամապատասխանող հայտադիմում այս փուլում կմերժվի:
5. **Հայտադիմումների գնահատում`** համապատասխանության ստուգումն անցած հայտադիմումները կուղարկվեն Գնահատող հանձնաժողովին, որը հիմնվելով նախապես



սահմանված որակական չափանիշների վրա, կգնահատի դրանք: Գնահատող հանձնաժողովի կողմից շնորհված միավորների հիման վրա կկայացվի ընտրության վերջնական որոշում: Գնահատման հանձնաժողովի կողմից տրված միավորների հիման վրա, առնվազն 75 միավոր (նվազագույն շեմ) հավաքած հայտադիմումները կհամարվեն անցողիկ: Նվազագույն շեմը հարթահարած հայտադիմումներից ամենաբարձր միավոր ստացած կազմակերպությունները կճանաչվեն որպես հնարավոր շահառուներ: Ընտրված կազմակերպությունները հետագա քայլերի վերաբերյալ կտեղեկացվեն Էլեկտրոնային փոստի միջոցով:

Այն դիմորդները, ում հայտադիմումները չեն ընտրվել, նույնպես կտեղեկացվեն Էլեկտրոնային փոստի միջոցով:

Հայտադիմումների գնահատման որակական չափանիշներ`

Համապատասխանություն

- **1.1 Հայտադիմումի` R2D ծրագրի նպատակների հետ համահունչ լինելը (5 միավոր)**
Հասկանալի է արդյո՞ք, որ հայտադիմումը համահունչ է R2D Սյունիք ծրագրի նպատակներին` ներկայացնում է նորարարական ծառայություններ, տեխնոլոգիաներ կամ կարողությունների զարգացման նախաձեռնություններ, որոնք կխթանեն տեղական շուկայի զարգացմանը և տնտեսության դիմակայունությանը:
- **1.2 Շուկայում պահանջարկի հիմնավորում (10 միավոր)**
Հայտադիմումում հստակ նշված են շուկայի բացերը կամ հմտությունների պակասը, և արդյո՞ք ներկայացված է փաստարկված պահանջարկ Սյունիքում:
- **1.3 Ներգրավվածություն և սոցիալական ազդեցություն (10 միավոր)**
Արդյո՞ք առաջարկվող ծրագիրն իրապես աջակցում է կանանց, երիտասարդներին և խոցելի այլ խմբերին` ապահովելով նրանց հասանելիությունը աշխատանքային և տնտեսական հնարավորություններին:

Արդյունավետություն և իրագործելիություն

- **2.1 Իրագործման իրատեսություն (5 միավոր)**
Արդյո՞ք ծրագրի գործողությունների պլանը հստակ է, կառուցվածքային և իրատեսական` կարողությունների զարգացման, վերապատրաստման կամ բիզնեսի աջակցության ծառայություններ տրամադրելու համար:
- **2.2 Կազմակերպական և գործընկերներային կարողություն (10 միավոր)**
Արդյո՞ք դիմորդն ունի բավարար փորձ, մասնագիտական թիմ, ռեսուրսներ և գործընկերներ ծրագրի հաջող իրագործումը ապահովելու համար:
- **2.3 Աջակցության արդյունավետ օգտագործում (10 միավոր)**
Կազմակերպությունն ունա՞կ է տրամադրվող ոչ ֆինանսական աջակցությունը ճիշտ ու նպատակային օգտագործելու տեսանելի արդյունք ապահովելու համար:

Ազդեցություն և կայունություն



- **3.1 Տնտեսական արդյունք (5 միավոր)**
Արդյո՞ք ծրագիրը նպաստում է տեղական տնտեսության աճին՝ օգուտ բերելով ՄՓՄՁ-ներին, մատակարարներին կամ ծառայություն մատուցողներին Սյունիքում:
- **3.2 Աշխատատեղերի ստեղծում և սոցիալական ազդեցություն (10 միավոր)**
Արդյո՞ք ծրագրի իրագործվելուց հետո Սյունիքում կստեղծվեն նոր աշխատատեղեր և կստեղծվեն հնարավորություններ, հատկապես խոցելի խմբերի համար:
- **3.3 Կայունություն և ընդլայնման հնարավորություն (10 միավոր)**
Հայտարարվում են ներկայացված է հստակ տեսլական, թե ինչպես են նախաձեռնությունները շարունակվելու ծրագրից հետո և արդյո՞ք դրանք կարող են կրկնօրինակվել այլ համայնքներում:

Ֆինանսական կայունություն

- **4.1 Ֆինանսական պլանավորում և բյուջետավորում**
Արդյո՞ք ֆինանսական պլանը կառուցված է հստակ ութափանցիկ և համընկնում է ծրագրի գործունեությունների հետ: (5 միավոր)
- **4.2 Հիմնավորվածություն և ծախսարդյունավետություն**
Արդյո՞ք բյուջետային հաշվարկները բավարար չափով հիմնավորված են, ծախսարդյունավետ և իրագործելի՝ առաջարկվող աշխատանքների ծավալների համար: (10 միավոր)
- **4.3 Ֆինանսական կայունություն և համաֆինանսավորման կարողություն**
Արդյո՞ք դիմորդը ցուցաբերում է ֆինանսական կայունություն և ունի՞ համաֆինանսավորելու հնարավորություն՝ նվազագույնը ընդհանուր ներդրման 20%-ի չափով: (10 միավոր)

6. Ընտրության ծանուցում և պայմանագրի կնքում՝ հաղթող դիմորդներին կողարկվի ծանուցում: Յուրաքանչյուր շահառուի հետ կկնքվի պայմանագիր, որում կամրագրվեն աջակցության շրջանակը, ժամկետները, հաշվետվողականության պահանջները, ֆինանսական ներդրումների վերաբերյալ կողմերի պարտականությունները:

7. Պայմանագրի կնքում և հանձնում-ընդունում. Սարքավորումների, ապրանքների, տեխնոլոգիաների, ծառայությունների և ծրագրային ապահովման ձեռքբերումից հետո դրանք կփոխանցվեն շահառուին: Աջակցության օգտագործման ձևը հստակ կսահմանվի R2D Syunik ծրագրի և շահառուի միջև կնքվող պայմանագրով՝ ապահովելով, որ աջակցությունն օգտագործվի հաստատված հայտում նշված կարիքների համաձայն: Կկնքվի հանձման ակտ, որը կներառի տրամադրված միջոցների օգտագործման և պահպանման պայմանները: Հանձնումից հետո ձեռքբերված միջոցները կդառնան շահառուի սեփականությունը, և նա կպարտավորվի կատարել պայմանագրով սահմանված պահանջները:

8. Աջակցության նկարագրությունը և սահմանափակումները



Ծրագիրը տվյալ մրցույթի շրջանակում կտրամադրի աջակցություն միայն գնումների միջոցով՝ սարքավորումների, տեխնոլոգիաների և ծառայությունների տեսքով:

Աջակցության նկարագրություն՝

- **Աջակցության առավելագույն գումարը՝ մինչև 30,000 եվրո:**
- **Բազմակի հայտադիմումների ներկայացում.** Կազմակերպությունը կարող է ներկայացնել ներդրումային ծրագիր յուրաքանչյուր հայտերի ընդունման փուլում, եթե այն համապատասխանում է R2D Սյունիք ծրագրի նպատակներին: Եթե կազմակերպությունը հաջողությամբ ավարտել է նախորդ ծրագիրը և այն կարելի է կիրառել այլ համայնքներում, կամ առաջացել են նոր շուկայի պահանջներ կամ խնդիրներ, կազմակերպությունը կարող է դիմել նոր հայտով հաջորդ փուլերում: (Ընդհանուր նախատեսվում է մեկնարկել մինչև 10 ծրագիր):) **Ծրագրի համաֆինանսավորման մասնաբաժին՝ R2D Սյունիք ծրագիրը կարող է ֆինանսավորել հայտաատուի ընդհանուր ներդրման մինչև 80%-ը:**

Այնուամենայնիվ, R2D Սյունիք ծրագրի կողմից ֆինանսավորվող մասը պետք է ներառի այնպիսի սարքավորումներ, ապրանքներ, տեխնոլոգիաներ, ծառայություններ և ծրագրային ապահովում, որոնք կլինեն առանձնացված դիմորդի սեփական ներդրումներից ու գնումներից և չեն կրկնվի դրանց հետ: Այդ տարբերակումը պետք է հստակ ներկայացվի հայտադիմումում՝ հատուկ աղյուսակում, որտեղ նշված կլինեն կազմակերպության կարիքները, դրանց քանակը և համապատասխան արժեքները:

Այս սարքավորումների գնումներն ուղղակիորեն կիրականացվեն R2D Սյունիք ծրագրի կողմից: ԱԶԳ-ն պատասխանատու կլինի մրցույթի համար և պայմանագիր կկնքի ընտրված մատակարարի հետ:

9. Առաջարկվող ծրագրի/նախաձեռնության պահանջներ

Աջակցության համար ներկայացված ծրագիրը պետք է համապատասխան լինի այս հիմնական չափանիշներին.

1. **Տարածքային ընդգրկում՝** նախաձեռնությունը պետք է իրականացվի բացառապես Սյունիքի մարզում:
2. **Մատչելիություն և հասանելիություն՝** առաջարկվող ծառայությունները պետք է նախագծված լինեն ներառելու նաև սոցիալապես խոցելի խմբերը՝ ապահովելով նրանց հնարավորինս հեշտ և մատչելի ներգրավվածություն
3. **Շարունակականություն՝** նախաձեռնությունը պետք է նախատեսված լինի առնվազն **5 տարվա շարունակական գործունեության** համար Սյունիքում՝ սկսած պայմանագրի ստորագրման օրվանից:



10. Աջակցության շրջանակը

R2D Սյունիք ծրագրի կողմից աջակցությունը տրամադրվելու է բացառապես գնման գործընթացի միջոցով՝ ձեռք բերելով սարքավորումներ, գործիքներ, տեխնոլոգիաներ, ծառայություններ և ծրագրային ապահովում: Այս ձևաչափը նպատակ ունի աջակցել այն կազմակերպություններին, որոնք պլանավորում են երկարաժամկետ գործունեություն ծավալել Սյունիքի մարզում և զարգացնել իրենց ծառայությունները:

Տեխնիկական աջակցության տեսակները

Աջակցությունը տրամադրվում է տեխնիկական բաղադրիչներով, որոնք կարող են ներառել (բայց չեն սահմանափակվում միայն) հետևյալ ուղղություններով.

1. **Նոր գիտելիքի, տեխնոլոգիաների և մասնագիտությունների ներդրում**
Աջակցություն՝ շուկայի կարիքներին համահունչ նոր ուսումնական ծրագրերի, մեթոդների, դասընթացների և պահանջարկ ունեցող մասնագիտությունների մշակման և ներդրման համար:
2. **Սարքավորումների, գործիքների, տեխնոլոգիաների և ծրագրային ապահովման ձեռքբերում կամ արդիականացում**
Բարձր որակով վերապատրաստում և բիզնեսի զարգացում ապահովելու համար անհրաժեշտ նյութատեխնիկական բազայի համալրում:
3. **Լաբորատորիաների, արհեստանոցների և լսարանների կահավորում կամ բարելավում**
Ուսումնական ենթակառուցվածքների ձևավորում մասնավորապես շուկայի համապատասխան ոլորտների համար, օրինակ՝ կանաչ ինժեներիա, ագրոմշակություն և այլ մասնագիտություններ:
4. **Մասնաճյուղերի ստեղծում կամ հաջողված կրթական մոդելների կրկնօրինակում**
Աջակցություն՝ արդեն գործող և արդյունավետ կրթական ծրագրերի տարածման և ընդլայնման համար Սյունիքի մարզի տարբեր համայնքներում:
5. **Բիզնեսի զարգացման ծառայությունների ներդրում և մատուցում**
Ծառայությունների զարգացում, որոնք աջակցում են տեղական բիզնեսներին աճի և մրցունակության բարելավման գործընթացում՝ շուկայի պահանջներին համահունչ:
6. **Բիզնես ծառայությունների մատուցում**
Ծառայություններ, ինչպիսիք են ֆինանսական կառավարում, մարքեթինգ, մատակարարման շղթայի օպտիմալացում և այլ գործառնություններ՝ ուղղված տեղական ձեռնարկությունների արդյունավետության բարձրացմանը:

Նշում. կարող են առաջարկվել նաև աջակցության այլ ձևեր, եթե դրանք նպաստում են ծրագրով սահմանված արդյունքների և նպատակների իրագործմանը Սյունիքի մարզի ընտրված շուկայական համակարգերում:

Ոչ ընդունելի ծախսեր՝

- Օգտագործված / երկրորդական սարքավորումների, ապարատային միջոցների, գործիքների, կահույքի և այլնի գնումը,



- Հունքի գնումը,
- Շինարարական և վերանորոգման ծառայությունների գնումը,
- Այլ շրջանառու կապիտալի ծախսեր:

Բացառման ցանկ` ԱԶԳ-ի բացառման ցանկը սահմանում է ծրագրերի և նախագծերի տեսակները, որոնք ԱԶԳ-ն չի իրականացնում կամ ֆինանսավորում: Սա վերաբերում է ցանկացած ծրագրի կամ նախագծի, որը ներառում է գործունեություն, արտադրություն, օգտագործում, բաշխում, բիզնես կամ առևտուր, որը ներառում է հետևյալը`

1. Հարկադիր աշխատանք կամ մանկական աշխատանք
2. Պոռնոգրաֆիա և/կամ մարմնավաճառություն,
3. Ռասիստական, սեքսիստական և/կամ հակադեմոկրատական լրատվամիջոցներ,
4. Չենքի և զինամթերքի արտադրություն, առևտուր կամ բաշխում,
5. Մշակութային ժառանգության ապամոնտաժում և/կամ վնասում,
6. Մարդկանց (այսինքն` ընտանիքներ, տնային տնտեսություններ, համայնքներ) բռնի վտարումներ և/կամ տեղահանումներ,
7. Հողամասերի լայնածավալ ձեռքբերում (հողազավթում),
8. Արտադրությունը, արդյունաբերությունը, գործունեությունը և նյութերը, որոնք համարվում են անօրինական` համաձայն ընդունող երկրի օրենսդրության կամ կանոնակարգի կամ միջազգային կոնվենցիաների ու համաձայնագրերի, կամ ենթակա են միջազգային փուլային դադարեցման կամ արգելքի` կենդանի օրգանիզմների համար բարձր թունավորմանը, շրջակա միջավայրի կայունության, կենսակուտակման ներուժի, կամ օզոնային շերտի քայքայմանը նպաստելու պատճառով, ինչպիսիք են`
 - Օզոնը քայքայող նյութեր, պոլիբլորացված բիֆենիլներ (պոլիբլորացված բիֆենիլներ) և այլ հատուկ, վտանգավոր քիմիական նյութեր, թունաքիմիկատներ, որոնք պատկանում են ԱՅԿ-ի Պեստիցիդների առաջարկված դասակարգմանը 33 ըստ Ia (չափազանց վտանգավոր) կամ Ib (խիստ վտանգավոր) դասակարգման,
 - Ցանկացած տեսակի ասբեստի մանրաթելեր,
 - ԿՕԱ-ների (Կայուն օրգանական աղտոտիչների մասին) Ստոկհոլմի կոնվենցիայի Յավելված Ա-ում կամ Բ-ում թվարկված բոլոր քիմիական նյութերը,
 - կապար (բացառությամբ մեքենաների մարտկոցների և միջուկային դեղամիջոցների), կադմիում, մկնդեղ (բացառությամբ բժշկական դեղերի) կամ սնդիկ պարունակող իրեր,
 - ռադիոակտիվ նյութ (բացառությամբ միջուկային բժշկության):
9. Թափոնների և թափոնային ապրանքների միջսահմանային առևտուր, բացառությամբ այն դեպքերի, երբ դրանք համապատասխանում են Բազելի կոնվենցիային և դրա հիմքում ընկած կանոնակարգերին,
10. Էկոհամակարգերին և կենսաբազմազանությանը հասցված վնաս, ինչպիսիք են`
 - Պահպանության բարձր արժեք ունեցող տարածքների ոչնչացումը, Վայրի բնություն կամ ապրանքներ, որոնք կարգավորվում են Վտանգված տեսակների կամ վայրի ֆաունայի և ֆլորայի միջազգային առևտրի մասին կոնվենցիայով (CITES); կամ Ձկնորսության անկայուն մեթոդներ (օրինակ` պայթուցիկ ձկնորսություն և ցրված ցանցով ձկնորսություն ծովային միջավայրում 2,5 կմ-ից ավել երկարությամբ ցանցերի օգտագործմամբ):



Այս համատեքստում ԱԶԳ-ն ձեռնպահ է մտնում Էկոհամակարգի կամ կենսաբազմազանության փոխհատուցման մեխանիզմից:

11. Գեներտիկորեն ձևափոխված օրգանիզմների (ԳՁՕ) ներմուծում կամ խթանում. ինվազիվ այլմոլորակային տեսակներ, ինչպես նաև համակարգեր և/կամ սարքեր սինթետիկ կենսաբանության սպեկտրում:
12. Շրջակա միջավայր և/կամ կլիմայական վնաս պատճառող գործողություններ, ինչպիսիք են ծրագրերը, նախագծերը և գործարար գործընկերությունները
 - Ակնկալվում է, որ ներկայումս կարտադրվի տարեկան ավելի քան 20,000 տոննա CO2-ի համարժեք:
 - Դա ուղղակիորեն նպաստում է Էներգիայի բարձր ածխածնային ձևերին (հատկապես ածուխ կամ նավթ)

Դիմումի ներկայացման ընդհանուր պահանջներ

Դիմորդ կազմակերպությունը պետք է ներկայացնի հայտադիմում, որը կներառի հետևյալ հիմնական տեղեկատվությունը՝

- Կազմակերպության համառոտ նկարագրությունը, ներառյալ փորձառությունը,
- Հայտադիմումի նպատակներն ու խնդիրները,
- Նախաձեռնության մանրամասն նկարագրությունը, ներառյալ գործողությունների ծրագիրը և հիմնական փուլերը,
- Շահառուների և շահագրգիռ կողմերի նկարագրությունը,
- Ակնկալվող արդյունքները,
- Նախաձեռնությունը հաջող իրականացնելու համար անհրաժեշտ կարողությունների հիմնավորումը, ներառյալ կազմակերպության փորձը, ռեսուրսները և անհրաժեշտ մասնագիտական ներուժը,
- Ընդհանուր պահանջվող ներդրումը, ներառյալ աղյուսակ՝ ծախսային հոդվածներով, տեխնիկական նկարագրություններով, քանակներով և մոտավոր արժեքներով,
- R2D Սյունիք ծրագրից ակնկալվող աջակցությունը,
- Իրականացման առաջարկվող ժամանակացույցը:

11. Դիմելու գործընթաց

Բոլոր հետաքրքրված կազմակերպությունները պետք է լրացնեն հայտադիմումի ձևը, որը հասանելի է R2D Սյունիք ծրագրի պաշտոնական կայքում՝ <https://www.r2dsyunik.am/hy/news/publications>

Հայտադիմումի ձևը հասանելի է նաև հետևյալ հասցեներում՝

- **Երևան** – Վ. Սարգսյան 26/1, «Էրեբունի Պլազա», 6-րդ հարկ, սենյակ 604, 605



- **Կապան** – Արամ Մանուկյան 5/37
- **Սիսիան** – Արամ Մանուկյան 2
- **R2D Սյունիք ծրագրի Ֆեյսբուքյան էջում** <https://www.facebook.com/R2DSyunik>
- **Էլ. փոստ**՝ r2dsyunik@ada.gv.at

Դիմող կազմակերպությունները պետք է ներկայացնեն **լիարժեք լրացված, կնքված և ստորագրված հայտադիմումը**՝ բոլոր պահանջվող հավելվածներով, Էլեկտրոնային տարբերակով, հայերեն լեզվով՝ ուղարկելով r2dsyunik@ada.gv.at հասցեին: Թեմա (Subject) տողում խնդրում ենք նշել՝ **“Application Form”**:

Ջարգերի ներկայացում. Այս հրավերին վերաբերող հարցերը կարող են ուղարկվել գրավոր՝ մինչև **2026թ., ապրիլի 17-ը, ժամը 18:00** (Երևանի ժամանակով), նույն Էլ. հասցեին: Բոլոր հարցերին կտրվեն պարզաբանումներ 7 օրվա ընթացքում:

Վերջնաժամկետ՝ հայտադիմումների ներկայացման վերջնաժամկետն է **27 ապրիլի 2026թ., ժամը 18:00:** Ձեռագիր լրացված կամ վերջնաժամկետից հետո ուղարկված հայտադիմումները չեն դիտարկվի:

1. Անհրաժեշտ փաստաթղթերի ցանկ

Դիմող կազմակերպությունները իրենց հայտադիմումի հետ միասին պետք է ներկայացնեն հետևյալ փաստաթղթերը:

1. **Կազմակերպության փաստաթղթեր**՝ պետ. ռեգիստրի վկայական, այլ հիմնադիր փաստաթղթեր:
2. **Փորձի վերաբերյալ տեղեկություն**՝ փաստաթղթեր, որոնք վկայում են դիմորդի գործունեության փորձի և առնվազն 3 (երեք) տարվա անընդմեջ գործունեության մասին:
3. **Ռեզյումեներ (CV-ներ)**՝ ծրագրում ներգրավված հիմնական աշխատակիցների ինքնակենսագրականները՝ ընդգծելով նրանց որակավորումները, համապատասխան փորձը և ծրագրում նրանց դերը:
4. **Գույքի նկատմամբ սեփականության կամ վարձակալության փաստաթղթեր**՝ վկայականներ, պայմանագրեր կամ այլ փաստաթղթեր, որոնք ապացուցում են ծրագրի իրականացման համար համապատասխան տարածքի (օր.՝ հող, շենքեր) սեփականության կամ երկարաժամկետ վարձակալության իրավունքը Սյունիքի մարզում:
5. **Այլ փաստաթղթեր**՝ լրացուցիչ փաստաթղթեր՝ ըստ պահանջի: